



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0039172 26
Travnik, 18.05.2026.godine

OPĆINSKOM SUDU U BUGOJNU
- Sudiji za prethodno saslušanje -

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m

O P T U Ź N I C U

Potvrđena dana 20.05.2026.godine

Protiv:

M. T.

Zbog postojanja osnovane sumnje da je:

Dana 29.11.2025.godine oko 12,20 sati u ulici Kulina bana bb u Bugojnu, općina Bugojno, u namjeri pribavljanja protupravne imovinske koristi, iz zlatare „Kruna“ u vlasništvu oštećene N. H., oduzeo i prisvojio zlatni nakit - zlatni prsten od 14 karatnog zlata „Cretier“, na način da je ušao u tu trgovinsku radnju i prišao staklenoj vitrini gdje je bio izložen zlatni nakit i od oštećene zatražio da mu pokaže zlatne ogrlice, pa kada mu je oštećena pokazala četiri zlatne ogrlice, jednu od njih je ispustio na pod, a zatim pokušao da je zamijeni sa ogrlicom od bižuterije koju je ponio sa sobom, pa kada je to oštećena primijetila, spriječila ga je u toj namjeri, a zatim je prišao staklenom pultu gdje su bili izloženi zlatni prstenovi u zadnjoj polici čija su vrata bila otvorena, te je iskoristio nepažnju oštećene vlasnice i kroz otvorena vrata staklene vitrine oduzeo i prisvojio zlatni prsten koji se nalazio na smeđem stalku sa lijeve strane od ulaznih vrata kojeg je stavio u džep od jakne i napustio unutrašnjost zlatare, svjestan da oduzima tuđu pokretnu stvar, što je i htio, oštetiši na taj način oštećenu N. H. za vrijednost prstena od 1.500,00 KM, a za taj iznos sebi pribavio protupravnu imovinsku korist.

Dakle, u namjeri pribavljanja protupravne imovinske koristi oduzeo tuđu pokretnu stvar, što je i htio.

Čime da bi počinio krivično djelo Krađa iz člana 286. stav 1. KZ F BiH.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom